

p.5 L.8【高齊大行和尚】大行和尚應是《念佛鏡》作者一道鏡、善道的和尚，約是唐德宗、憲宗時人(西元 785-820)；高齊應是地名，但不易查考何處？若言南北朝南齊(479-482)，國王姓蕭；北齊(549-577)國王姓高，故云高齊；但與道鏡、善道的年代差太遠。澄觀清涼大師(737-838)引其文而稱「和尚」，應該兩者差不遠，方是。《佛光大辭典》中有「大行」乙詞：唐代僧，又稱妙行。齊州(山東歷城)人。姓氏不詳。乾符年間(874-879)，盜賊寇掠，民不得安業，師乃入泰山，結草為衣，採樹為食，專行法華、普賢懺法，如是三年，感得普賢現身，由是益加策勵，篤念如來之法，朝暮激切，至忘飲食。其後，忽感幻身無常，慮來世之受生，信手取卷，得阿彌陀經，日夜誦持，至三七日之夜半，見琉璃地之瑩淨現前，心眼更為洞明，感見阿彌陀佛及觀音、勢至等無數之化佛。其後乃專以念佛教化道俗，遠近風從。唐僖宗(873-888)聞其德望，召入宮中問法要，敕號「常精進菩薩」，賜開國公之爵。後一年罹疾，復見琉璃地，即日於所居之禪室示寂，世壽不詳。弟子有道鏡等。但是《佛光大辭典》在「念佛鏡」乙詞：有關道鏡及善道之傳歷不明，一般推測彼等為本文中常述及之大行和上之門人，約為貞元(785-805)、元和(806-820)時代人。

p.5 L.12【見無量壽佛即見十方諸佛】懷感《釋淨土群疑論》卷 6：「問曰：如觀經第九觀中。本欲觀阿彌陀佛身相光明。計作觀成。只合觀見阿彌陀佛。何因見阿彌陀佛。乃更得見十方諸佛耶？釋曰：此有三義。得見十方諸佛：一、由諸佛功德悉皆同等。皆有自利利他化益平等。故觀一佛即見十方諸佛。故文殊般若說一行三昧云。能於一佛念念相續。即是念中能見過去未來現在諸佛。何以故？念一佛功德無量無邊。亦與無量諸佛功德無二。不思議佛法等無分別。皆乘一如成最正覺。悉具無量功德辯才。二釋。以見一佛得念佛三昧除障滅罪故。能通見十方佛也。三釋。阿彌陀佛光明遍照十方世界。因光得見十方佛也。般舟三昧經說。跋陀和菩薩請釋迦牟尼佛言。未來眾生云何得見十方諸佛？佛教令念阿彌陀佛。即見十方一切諸佛。以此佛特與娑婆眾生有緣。先於此佛專心稱念。三昧易成。除障滅罪。光明遍照見十方佛也。」(T47, p. 66, c1-18)大佑《淨土指歸集》卷 1：「十種無礙：即心觀佛。託境顯性。心心絕待。法法全真。有不達者。橫生疑謗。故有執內心是佛而不許外求者。執自己之佛而不須他佛者。執諸法皆空而不信有佛者。執一切現成而不假修證者。但是不遵聖教。不達理體。隨有所執。皆成邪見。撥無因果。縱任妄情。認礫為金。蒸砂作飯。今以十種無礙。顯淨土之圓融。蕩滌執情。發明正信。…○七、一多相即。一即多故。一心一塵遍一切佛刹。多即一故。一切佛刹全在一心一塵。為令心專一故。易成就故。故令專念一佛。而

一佛即一切佛。故經云：見無量壽佛者。即見十方一切諸佛」(X61, p. 376, a3-b15)  
《阿彌陀經要解便蒙鈔》卷2：「【解】由無量光義。故眾生生極樂。即生十方。  
見阿彌陀佛。即見十方諸佛。能自度。即普利一切。【鈔】此明持無量光之因。  
證無量光之果也。生極樂即生十方者。極樂即華藏世界。生華藏世界即橫生四土。  
阿彌陀佛即毗盧遮那。見毗盧遮那佛。即圓見三身。能自度。即頓破無明。」(X22, p.  
860, a4-9)

p. 5 L. 15【憶佛念佛】《圓通章疏鈔》：(X16, p. 383, c12-21)

憶：記持不忘。初時偶然勉強記憶。暫念、一憶。

念：繫緣在懷。後時長久熟脫緣念。數憶、常念。

事憶念：專心注意、毫無雜緣。理憶念：唯妙覺明、圓照法界。

復各有二：一行布、二圓融。

先念化、報→法佛，事次第(行布)。若三、若十，同在一心，事一時(圓融)。

空→不空→空不空，理次第(行布)。三如來藏心佛同在一時中念，理圓融。

p. 5 L. 16+17【須事、理念】《圓通章疏鈔》：問：若心外有佛，何容理念？設心  
外無佛，烏用事為？(問意：只需一種即可)答：心外有佛者，由我心佛成彼外  
佛。經云：諸佛正知，從心想生，故須理念。心外無佛者，託心外佛，顯我心佛。  
經云：心想佛時，是心作佛，故須事念。若離事理二念，何名即心即佛。(答意：  
一即二故，事理互俱，故云即心即佛)問：若即佛是心，祇應念心，何必念佛？  
又即心是佛，祇應念佛，何必念心？(問意：既然互俱，更顯念一種即可)答：  
但執即佛是心，不知即我本覺心性是他究竟覺佛。經云：是心即佛三十二相。故  
不妨念佛。又執即心是佛，不知即彼究竟覺佛是我本覺心性。經云：諸佛入於眾  
生心中，故不妨念心。若心佛偏念，即義不成矣。問：一真法界，體無二相，何  
存內外、心佛念耶？答：法界一真，本無內外，不屬佛心。佛目證窮，知生等有，  
欲令生悟，義分心佛。佛為外境，心為內境。憶念功成，自然證知：心無佛外之  
心，佛無心外之佛。唯一法界，普融無盡。」(X16, p. 383, c21-p. 384, a12)

【現前當來、必定見佛】《圓通章疏鈔》：現前見佛者，不離現陰，於定中或夢  
中見。當來見佛者，謂報終陰壞，見佛來迎，或於華中見也。必定者，有二意：  
一、感應道交難思議故。謂信得即心是佛，專於事念，念相好佛。故見果報佛來  
入我心中。經云：是心作佛，諸佛如來來入一切眾生想中。二、始本契合。法爾  
然故。謂信得即佛是心，專於理念，念本性佛。故於自心中見法身佛現。經云：  
是心是佛，心想佛時，是心即是三十二相。(X16, p. 384, a12-20)元照《觀無量壽佛

經義疏》卷3：「此明眾生念佛。感應道交也。此實彌陀世尊同體大慈悲善根力。隨緣赴感。應物垂形。不思議用。苟明此理。佛入何疑！」(T37, p. 295, c9-11)

宗曉《樂邦遺稿》卷1：「一者眾生本具佛性力。眾生本心自具佛性。與阿彌陀等無有異。…二彌陀慈光攝取力。經云：佛心者，大慈悲是。以無緣慈攝諸眾生。又佛有八萬四千光明。攝取念佛眾生。其心不捨。是其義也。三者信心念佛功勳力。信心念佛人，如子叫母，母必護之。如經云：憶佛念佛，現前當來，必定見佛是也。此三種力，如三股繩合為大索，能牽重物至他方也。又如水火鏡子，若將對日，以艾引之，即得火矣。對月得水亦然。今以鏡體具水火性，可喻眾生本具佛性力也；須假日月之光來照，可喻彌陀慈光攝取力也。以鏡艾能引水火，可喻信心念佛功勳力也。此三種物和合，水火方生。喻三力相資，得生淨土則易也。」(T47, p. 239, c20-p. 240, a6)

p. 5 L. -9【凡涉歷緣務】遵式《往生淨土決疑行願二門》卷1：「第三繫緣門者。凡公臨私養。歷涉緣務。雖造次而常內心不忘於佛及憶淨土。譬如世人切事繫心。雖經歷語言、去來坐臥、種種作務。而不妨密憶前事宛然。念佛之心亦應如是。或若失念。數數攝還。久久成性。任運常憶。…如此繫心。任運常遮一切惡念。設欲作惡。憶佛之故。惡不能成。縱使隨惡。作惡業時。心常下栗。如身有香。自然離臭。又復覺心微起惡念。即便憶佛。以佛力故。惡念自息。如人遇難。求彼彊援。必得免脫。又若見他受苦時。以念佛心憐愍於彼。願其離苦。若斷刑獄。以念佛故生憫念心。雖依王法。當密作願云。我行王法。非我本心。願生淨土。誓相救濟。凡歷一切境界。若善若惡。由心憶佛。皆心念作願。故普賢願王云。作一切惡皆不成就。若作善業皆悉和合。即此意爾。如是相續念佛在心。能辦一切淨因功德。恐煩披覽。不復具說。誠哉此門。為益最大。」(T47, p. 147, b7-c1)

p. 5 L. -2【佛有二加】《大乘入楞伽經》卷3〈2集一切法品〉：「諸佛有二種加持，持諸菩薩，令頂禮佛足請問眾義。云何為二？謂：令入三昧，及身現其前，手灌其頂。」「大慧菩薩復白佛言：「何故如來以其持力，令諸菩薩入於三昧及殊勝地中手灌其頂？」佛言：「大慧！為欲令其遠離魔業諸煩惱故，為令不墮聲聞地故，為令速入如來地故，令所得法倍增長故，是故諸佛以加持力持諸菩薩。大慧！若不如此，彼菩薩便墮外道及以聲聞魔境之中，則不能得無上菩提，是故如來以加持力攝諸菩薩。」」(T16, p. 602, b22-c23)《圓通章疏鈔》：問：有專心念佛，但於定夢中亦不見佛。又有一生念佛，臨終時亦不生方。何也？答：專心念佛，定夢不見者，由其過去業障重故、現在善力弱故。又佛有二加被：一者無障

則顯加，令其親見。二者障重則冥加，暗令得益。故普賢云：有諸眾生心中發明普賢行者…一生念佛不生方者，念佛不精誠故、生疑不篤信故、無有往生願故、不能斷貪愛故。

p. 5 L. -1【心中發明普賢行者】《楞嚴經指掌疏》卷5：「我用心聞。分別眾生所有知見。若於他方恒沙界外。有一眾生心中發明普賢行者。我於爾時乘六牙象。分身百千。皆至其處。縱彼障深。未得見我。我與其人暗中摩頂。擁護安慰。令其成就。統上有三重況顯。一者，他方尚加，況於娑婆。二者，恒沙界外尚加，況於近者。三者，一生尚加，況於多生。自應無不加矣。發明普賢行者。謂先悟毗盧性海。後入普賢行門。所謂稱性起修。徧法界窮盡際故。」(X16, p. 168, b4-18)

p. 6 L. 2【善根發相】《修習止觀坐禪法要》卷1：「善根發相，有二種不同：一、外善根發相。所謂：布施、持戒、孝順父母尊長，供養三寶，及諸聽學等善根開發。此是外事，若非正修，與魔境相濫，今不分別。二、內善根發相。所謂諸禪定法門善根開發有三種意：第一、明善根發相。有五種不同…二、分別真偽。…三、明用止觀長養諸善根。…1. 息道善根發相。2. 不淨觀善根發相。3. 慈心善根發相。4. 因緣觀善根發相。5. 念佛善根發相。」(T46, p. 469, b5-p. 470, a25)

p. 6 L. 2【念佛善根發相】參考《釋禪波羅蜜次第法門》卷3(T46, p. 496, a8-b12)及《圓通章疏鈔》卷2(X16, p. 385, b5-c131)。《禪波羅蜜》中明應佛等三佛，《疏鈔》用化佛及四佛，多一「念十佛」。《禪波羅蜜》中，皆於「欲界未到定心」中。忽然憶念佛之功德。三昧開發。皆於定中見佛身相、不可思議佛法境界、開發實慧。《疏鈔》則無強調「未到定」，且有於夢中見佛聞法。以上善根皆由過去、今生之念佛習、報相（見相好，悉屬報因相現。發諸善心，皆是習因善發）。下表依《疏鈔》文列舉：

	憶佛	開發三昧	定中見	夢中見
<b>念化佛</b>	修六度萬行，成三十二相。	生敬愛心，增進佛行	見佛身相，心淨信解	聞佛說法、覺悟佛心
<b>念報佛</b>	圓滿果報身，無漏功德成就，相好光明、神通智慧一一無量。	慧解分明、定心安隱、善念相續。	聞說不思議佛法境界出生無量智慧法門	見八萬四千諸妙相好出生無量願行功德
<b>念法佛</b>	清淨無相真實性身，唯是第一義諦，不生不滅、無作無為。	善心開發，入定安樂。通達無量法門，現起無邊佛境。	見佛以微妙法身，具諸相好。	見佛以諸法如義為身，覺悟真如為佛、無境不是佛。
<b>念十佛</b>	法界身雲，依正圓融。一多即入、大小隱顯；理事、人法、彼此、因果、九界佛界、三身十身、真應皆無礙。	開發無盡善心，出生無盡三昧，滅重重煩惱，顯重重法性。	見無障礙佛，剎剎塵塵，現身說法。證知德雲一念佛門出生二十一門；發普賢願，行普賢行。	見無盡身佛說法利生，悟入威光念佛三昧，統攝無盡三昧。如是悟後，發遮那智、成遮那境。